

醫門補要

影印古本醫學叢書之九
上海中醫書局發行

●溫疫論補註

吳又可

鉛印 平裝 一冊 六角 七折

本書專論疫病中之溫症。以又可所遇。爲崇禎辛巳之疫。乃溫疫而非寒疫也。書中傳變一節。謂有表而再表。裏而再裏者。有先裏後表。但裏不表者。又挾熱痢一節。謂有熱結旁流者。有膠閉而非燥結者。皆發前人所未言。不朽之作也。

●百病通論

秦伯未

鉛印 平裝 一冊 二角 七折

分外感及雜病二大門。每病分原因。診斷治療經驗四大綱。屏棄浮泛之理論。獨抒臨診之心。得學醫者最切實用之書也。今中國醫學院等已採取爲教材。價值可見。

●吊痧痧方論

徐子默

石印 本裝 一冊 一角 七折

道光辛巳間。此症盛行。以霍亂法治之。百不救一。徐氏乃撰此書。以資普度。論證論診。論方論藥。可稱細膩熨貼。時症中佳作也。

●證治心傳

袁體庵

鉛印 本裝 一冊 一角 七折

指示臨診時之認識。作醫津之寶筏。卷首有史可法序文。稱其平時得之於心。臨診應之于手。故能折衷諸家。扶掖後進。蓋袁氏爲可法幕友。相知極深也。

●疝癥積聚編

尙因

鉛印 本裝 一冊 一角 七折

先論四大症候之辨別。中叙治驗醫案。末附效驗方藥。此種病最難奏效。得斯名貴秘本。不啻暗室明燈也。

醫門補要目錄

卷上

醫法補要

卷中

醫法補要

附應用諸方

卷下

見症實錄

附載

先哲察生死秘法

五運六氣全圖要訣

脉訣纂要

醫門補要卷中

丹徒趙鼎作集卷

鼻淵

腦戶久爲濕熱上蒸外被風寒裹束鼻通於腦氣亦壅塞
時有腥膿滲下如釜底常有薪炊則釜中自生變味氣水
涓涓而滴名曰鼻淵乃肺腦實火以清肺飲方見後引加
猪胆汁一個冲服胆可通腦以有情入無情轉能制病十
數服自效

下疳宜食淡味

患下疳與鼓脹病皆忌鹽醬因鹹味斂濕助火凝痰使外
症腫痛腐爛然食淡味人易衰軟以秋石充鹽爲食最妥
肺熱極便爛臭

表邪遏伏於肺失於宣散并嗜烟酒火毒上薰久鬱熱熾
燥腐肺葉則出穢氣如臭蛋逼人雖延遷終不治

膿氣味如臭蛋

癰疽成膿日久未經開放愈釀則熱愈盛熱愈盛則蒸灼
腐肉變味愈熱愈熟必穿決而膿出其氣臭過於臭蛋在
四肢總拖連難斂在身體者難治

腎氣遊風

脾腎兩虛氣血錯亂濕邪內擾每臨暑濕之令外濕激動
內濕使足脛皮膚紅腫墜痛爲腎氣遊風用鍼刺出濕水將

黃柏末和敷內服防己湯方見後

赤白遊風

表虛風入兼血熱皮燥致皮癢搔落白屑或生水窠或有
黃白屑遊走不定赤者名赤遊風白者名白遊風治不易效久進祛風丸

可退

方見後

狗咬毒易走散

常犬咬破皮肉卽上戊毒丹貼膏藥

方見青囊集

四五日

可愈倘不速治及不戒口其毒易散紅腫焮痛爛深淌膿
在上身者按癰腫治法在膝蓋下者先提毒三日再按
瘡治法若瘋犬咬者治法

見青囊集

辨痧疹腹痛

小兒痧疹熱毒未達伏於腸胃常悠悠腹痛頭與胸腹皆
發熱或全不發熱其身腹有紅紫塊點或隱或現脉浮數
宜疎散其表如誤以煖藥入腹不救若虵犯中胃作痛痛
有止息尺脉沉滑忽大忽小若寒邪腹痛脉沉遲此二症

皆不發熱

頭面頸項外症不可鍼灸

頭面頸項生瘍乃風熱上壅居多頭又諸陽所會誤用鍼灸似救火沃油遂漫腫難挽至肉桂溫煖膏藥尤不可貼亦助火爲腫可畏

粗筋多處忌鍼

勞苦之輩腿足多有粗筋盤曲則筋內卽血管或濕氣盛與血分過熱者雖發外瘍誤用刀鍼恐血淌不止無救

外症忌食燕窩

燕窩是海燕啣小魚粘於石上而成藉燕口含之元氣清
補肺陰乃海味發物若外症誤食補塞毛孔毒遂內陷不
出串腫潰爛不可收拾也

濕腳氣

又名腎臟風

肺司皮毛脾主肌肉二臟虛損濕邪留連化熱下注熱甚
則皮赤而發熱濕甚則腫胖而惡寒多在盛夏陽氣發揚
濕暑流布生於虛體安逸之輩若足脛先腫而后痛是血
傷氣名濕腳氣或先足灣一點紅腫或自足指與足脛先
起而后串腫一腿或串及兩腿脛者七日可退若腳氣上

仲乃水來凌火則嘔吐不止喘急不休者逆也以當歸拈

痛湯

方見後

乾脚氣

足脛不腫而痛蹇縮枯細乃熱甚傷血爲乾脚氣宜涼血

清燥湯

方見後

外瘍腐肉脫時凶象

外症脫腐之時膿血去多正氣難支患底肉如灰色全無
生氣或患上驟變乾枯無膿四邊皮色炊紅起暈鎖住患
口或鍼刺刀割并不知痛口渴唇燥心神慌張形色呆板

脈象弦硬皆胃氣敗絕血枯肉死無根浮火外泄陰陽兩離殆四五日之命

腰痛日久成龜背痰

脾腎兩虧加之勞力過度損傷筋骨使腰膀隱痛惡寒發熱食少形瘦背脊骨中凸腫如梅初不在意漸至背偃頸縮蓋腎衰則骨痿脾損則肉削但龜背痰已成愈者甚寡縱保得命遂爲廢人宜久服補腎湯

方見後

吸洋烟人病難復元

吸鴉片者氣血日被烟火薰耗腎水漸枯脾陽不振所以

食少肉削皮焦神憊遇病卽昏迨病已退多軟弱難起色
要靜心培養倘性躁欲速痊恐有不能

脇肋生核

肝氣鬱結并虛體勞苦太過者脇肋生核遇勞動腫硬尤
甚或潰流清水堅腫依然若此未有不成癆者

痔瘡

濕熱下注大腸從肛門先發小疙瘩漸大潰膿內通大腸
日久難斂或愈月餘又潰每見由此成癆者乘初起服清
熱內消散方見後數帖可愈若先咳嗽而成漏者不治

孕婦病須保胎

孕婦病忌熱藥須應用方中入清熱順胎步步保護若熱甚陰傷胎已墮下多分不救

血瘀格食

噎格日久格拒飲食不納則胃之上口或有瘀血攔截滴水不進或吐紫血塊二三口者或吐鮮血杯許立刻亡者或數日後方死者或延弱極而死者

上格

憂悶傷肝致帝丁兩旁凸起紫筋數条束緊咽喉似物撐

塞吐不出嚔不下名爲上格用長披刀刺斷其筋內投平

肝散

方見後
自鬆

再動肝氣必發

糞毒致病

田園種植必以糞爲滋培每交三夏烈日炎威所照蒸起
地中濕毒則農作之男婦手足易染其毒始癢痛赤腫隨
串爛用蒜頭青松果
甘蔗萬芭皮煎洗數次可愈倘以染毒手指拈食
物入口則毒易染物犯肺必發喘咳治不能效

濕水歸腎囊

脾虛不能制水則水下聚於腎溢於子囊腫大亮如水晶

將細鐵鍼眼穿頭髮一根在囊總筋兩邊順下流勢處各穿通髮一鍼將鍼過孔口各留髮兩段在外拖掛使鍼孔不閉則水自易流盡內宜服溫補利水方

眼腫難睜

眼目腫閉熱毒內灼生翳爛珠用竹片二條長與眼齊寬二分許先以綿線扎緊竹片一頭即將竹片夾住眼上胞內眥又以長線扎緊竹片外端留線拴於耳上則眼可睜以洩火氣腫痛可退數日後所夾之肉腐脫無妨

取牙宜慎

牙齒痛久其根雖極動搖內有血筋綰束若草率動手取落傷動血筋則血湧出不止有性命之憂投犀角地黃湯方見後如不止者加西洋參二錢

多骨症

骨槽風與牙疔初起食葷腥必助火閉毒堅腫串潰連及面頸牙關緊閉最爲延遷每成多骨待多骨結聚拔去之凡外瘍不戒葷鮮患口難斂則膿凝結於內日久堅硬遂爲多骨

疔症復腫